

نشر شهادة " أحد الناجين " من جماهير الزمالك في مجزة الدفاع الجوي علي يد قوات السيسي



الاثنين 9 فبراير 2015 12:02 م

نشر شهادة أحد جماهير الزمالك الذي حضر أحداث قتل جماهير الزمالك على يد قوات السيسي - كتب نور الدين مصطفى - عبر فيسبوك

اقسم بالله اقسام بالله اقسام بالله هو دة اللي حصل
وصلنا الساعة 4 بالدقيقة يعني قبل الماتش بـ 3 ساعات و نص
البوابة الرئيسية علي الشارع مقفولة و محدش بيدخل منها
لقينا في ملف كبير لحد ما نزلنا حاجة بالظبط زي نفق تحت الارض " قفص"
عدد حوالي 10 الاف واقفين في ممر عرضة 6 متر بالظبط
الداخلية بتدخل الناس " فرد فرد "
اقسم بالله اقسام بالله ما فية اي تجاوزات من الجمهور .. و عمالين ناداي و نسايس
يا جدعان عدونا .. يا جدعان اقتحوا البوابة
الناس عمالة تكثر ورانا و العدد بيدخل ببطء غريب .. و كل شوية الداخلية ترجع لورا 5 متر و كل ما نقول قربنا نلاقيهم بعدوا ثاني!!
وصلنا لدرجة ان الناس بقت بتدوس علي بعضها حرفياً!!!!!!
الداخلية كل ما حد يقرب منهم من كتر التدافع كانوا بيضروة من غير تفكير!!
كان معايا 12 فرد .. فجأة لقيت 2 منهم بس جنبي
اقسم بالله قنابل الغاز كانت بتنزل علي دماغ الناس من كتر الزحمة!!
حالات الاختناق كانت ملهاش عدد .. و اللي كان بيقع في الارض مكنش بيقوم ثاني!
- راجل شابل عيلة صغيرة بتطلع ريم من بوقها و بيقول بنتي ماتت
كل ما ابص حواليا الاقي حد بيقولي والنبي الحقني والنبي الحقني
بقيت واقف مش عارف اعمل اية .. يحاول اشيل الناس و نطلعهم برة القفص بس العدد كبير و السور عالي
فجأة قنبلة غاز نزلت جنبي .. محستش بأي حاجة غير و الدنيا بتضلم ..
فُقت علي صريخ صحابي بيرفعوني ع السور و بيقولولي اطلع هتموت اطلع هتموتووووو
علي ما طلعت فوق و عديت الطريق بدأت ادور علي صحابي .. اللي في مستشفى و اللي يموت
دخلنا في مكان بعيد خالص عن الاستاد و قاعدين بنشوف المصابين
و فجأة نلاقي عساكر جيش من كل ناحية نازلين بيضربوا فينا
و مدرعات خارجية في وسط الشارع قدام الاستاد بتضرب غاز عشوائي
شوية و ظهر مرتضي و ابنة .. و كل اللي طبلهم و عرصلهم دخل الاستاد معاهم في الزيتة[]
روحنا مستشفى البنك الاهلي بندور علي صحابنا وسط الجثث
روحنا مشرحة زينهم ..
لقينا اللي مات، ولقينا اللي عايش، بس الكل مكسور، الكل مات جواة حاجة
البلد دي كافرة اوي .. احنا ربنا نجانا النهاردة .. بس احنا موتنا!